

# kontuola

**KONTUOLA, Idolaz elkarte, ANTZUOLA. Kazetaria:** Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarría, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 52. zenbakia. 2000ko otsailaren 11.

## Liburutegia eskaintza zabaltzen

Irailetik hona ekarri dituzten liburuen zerrenda argitaratu dute

**Antzuolako Udal Liburutegiak hemendik aurrera eskaintza zabalagoa izango du. Hau da, liburuak denbora gehiagoz eduki ahal izango dira eta aldizkariak ere etxera eramateko aukera izango da.**

**U**dal liburutegian pilatzen den materialari erabilgarritasun handiagoa emateko asmoz, Udal Liburutegiko arduradunek aukera gehiago emango dituzte hemendik aurrera etxera zerbait eramaterakoan. Liburuen kasuan esaterako, bi aste barik, hiru asteko epea izango du bazkide bakoitzak liburua hartu eta berriz itzultzeko. Aldizkariaren kasuan, orain arte liburutegian irakurtzeko baziren, hemendik aurrera etxera ere eraman ahal izango dira. Entregatzeko epea, kasu honetan, astebetekoa izango da.

Filmak edo bideo eskaintza ere badu udal liburutegiak. Film gehienak umeentzako diren arren, badira bestelako filmak ere. Hauek hartzeko epea bi eguneko da, berriz itzuli aurretik.

### **CDak ERE BAI**

Lierni Legorburu da udal liburutegiko arduraduna eta berak azaldu dizkigu liburutegian egingo dituzten aldaketak. Baina hauetaz gain, eta aurrera begira egingo den gizarte-etxea dela eta, liburutegian CDak ere egongo dira. Izan ere, "gizarte etxean, akaso, musika entzuteko txokoa egongo da eta, hori dela eta, laister musikako CDak ekarriko ditugu liburutegira. Hauek ere lagatzeko moduan egongo dira, epe mugatu batez, noski".

Iazko irailtik hona liburutegira iritsi diren liburuen zerrenda argitaratu berri



Liburuak, aldizkariak eta bideoak atera daitezke Udal Liburutegitik.

dute. Guztira berrogeita hamalau liburu dira. "Era askotako liburuak dira. Batzuk aipatzearen Unai Iturriagaren *Beranda da gelditzeko* eta Bernardo Atxagaren *Bambulo. Ternuako penak* aipatu genitzake euskaraz eta gaztelaniaz, berriz, Manuel Vazquez Moltalbanen *Marcos: El señor de los espejos*. Baina badira erabiltzeko liburuak ere zerrenda horretan, *Izendegia* esaterako. Pertsonen izenak euskaraz nola idatzi behar diren kontsultatzeko liburua da".

### **ALDIZKARI UGARI**

Asko dira liburutegiko apaletan biltzen diren aldizkariak. Etxera ezin eraman izanakin hauetako asko bertan zabaldu barik gelditzea zekarren; horregatik erabaki dute bi astebetetz, liburutegitik ateratzeko aukera izatea.

*Argia* bezalako astekari orokorrez gain, bidaiei buruz, zientziak eta zineak eta bestelako gaiez hitz egiten duten aldizkariak daude aukeran.

Eskaintza zabala da. On egin! ■

■ ■ ■  
Liburutegia 17:00etatik 20:00etara dago  
zabalik astelehenetik ostiralera bitartean  
■ ■ ■

E

rtzillan, Ibarretan, Irainen, Zorroztarrietan, Erautzan eta Ipurtikan hamar industrialde posible ikertzen ari da Udala. Ezer erabaki aurretik

lurraren bideragarritasuna ikusi behar da lehenengo. Valen Moñuxek azaldu digenez "enpresa txiki eta ertainendako lekua eta enpresa handientzako toki bila ari gara. Orain arte ikerketa urbanistiko eta topografikoak egin dira. Antzuolan ez dago zoru laurik eta daudenak Abiadura Handiko Trenak eta autobiak zeharkatu dituzte. Hori dela eta, mendira jo be-

# Industrigune bila, hamar leku aukeran

## Otsail bukaeran erabakiko da aproposena

harra daukagu eta horretarako azterketa geoteknikoak egiten ari gara". Azterketa hauen erantzuna otsailaren amaieran jasoko dute eta ondoren azterketa konpa-


ratibo bat egingo da azterketa ekonomiko batekin. Apirilean erabakiko dira leku posibleak.

Fotomuntaketak: Valen Moñux




### IBARRETA

Matz Erreka handitzeko 7.000 m<sup>2</sup>ko gune eraikigarria aurreikusi da. Kontuan izanik futbol zelai batek 5.000 m<sup>2</sup> dituela...




### ZUPIDE

Enpresa txiki eta ertainendako, 6.000 m<sup>2</sup>ko gune eraikigarria.



### ERTZILLA

Enpresa txiki eta ertainendako, 4.800 m<sup>2</sup>ko gune eraikigarria gelditzen dira soilik, abiadura handiko trenak bertatik pasako da eta.



### IRAIN A

Bidea eta erreka desbideratu beharko liriteke. 37.000 m<sup>2</sup>ko gune eraikigarria.



A: autobidea; B: Abiadura Handiko Trena.

KALEGOI 19 ☎ 943 76 64 07

*Tomas Gezalaga*

ANTZUOLA BERGARA

- Zoruen kutxilatua eta barnizaketa •




Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78


Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

**IRAIN B**


Bidearen eskuma aldean, erreka eta bidea ikutu barik. 14.000 m<sup>2</sup>ko gune eraikigarria.

A: autobidea; B: Abiadura Handiko Trena.

**IRAIN C**


Enpresa txiki eta ertainendako, 8.000 m<sup>2</sup>ko gune eraikigarria.

A: autobidea; B: Abiadura Handiko Trena.

**ERAUTZA**


Mendi aldera jo beharko litzateke abiadura handiko trena dela eta. 28.000 m<sup>2</sup>ko gune eraikigarria. A: autobidea;

B: Abiadura Handiko Trena.

**ZORROZTARRIETA edo DESKARGA 1**


San Blas ermitaren aurre aldean, errepidearen beste aldean, 22.000 m<sup>2</sup>ko gune eraikigarria.

A: autobidea; B: Abiadura Handiko Trena.

**IPURTIKA edo DESKARGA 2A**

Erreka desbideratu beharko litzateke eta mendia bi aldeetatik moztu. 53.000 m<sup>2</sup>ko gune eraikigarria.

A: autobidea.

**DESKARGA 2B**

Erreka errespetatuz eskuma aldera joz. 60.000 m<sup>2</sup>ko gune eraikigarria. Azken bi aukera hauetan kontuan izan behar da autobidea eta Antzuolaren autobidearekiko enlazea bertan gelditzen direla. A: autobidea.

## Igor eta Txomin



Margoak orokorrean

ANTZUOLA

609 157 131

BERGARA

609 150 164

## EGAÑA

Era guztietako arotz lanak

Tarima eta parketa jartzea  
Zoruen kutxilatutako eta barnizatuak

Kalegoi 21, ANTZUOLA Tf.: 943 76 64 23

## LARREA

### TABERNA

Kalebarren 17  
ANTZUOLA



## Karnabalak prestatzen

**Azken urteetan** bezala herriko andra eta gizon lagun talde banak karnabal egunean dantzatzen ari dira herriko plazan. Entseguak hasi dituzte. Neskak

martitzen eta eguenetan 19:30etan elkartzen dira Maristetan. Astean joan ezin duenak, zapatutan 11:00etan du aukera. Mutilak zapatuetan 11:30etan.



## SANTA AGEDA BEZPERA

1982an jaiotako kintoek Santa Ageda bezperan ohiturarekin bete zuten Jesus Etxeberriak ateratako argazkian ikusten denez. Horiek ahotsak horiek!

## ERRETIRATUEN BATZARRA

Otsailaren 26an, zapatuan, jubilatuek batzar orokorra izango dute, zine aretoan. Bilera arratsaldeko 18:00etan izango da.

## ARROLAREN IRTEERA

Datorren domekan, hilak 13, Kanpazarretik Santa Agedara joango dira Arrolakoak mendiz-mendi. Irteera 9:00etan plazatik.

## ZUZENKETA

Aurreko Kontuolan (51. zenbakia), errekararen proiektua Eusko Jauriaritzak egina zela jartzen zuen, baina ez da horrela. Proiektu hori Antzuolako Udalak eskatu eta ordaindua izan zen.

Okerrak zuzendu eta Antzuolako euskeran emon

1. Karnabaletan de pirata jantziko haiz?

1. ....

2. Eguraldixan buruz dihardue.

2. ....

Izen-abizenak eta telefonua: .....



**idolaz bertako hizkeria**  
ANTZUOLA

Aurreko Kontuolako erantzun zuzenak:

1. Ebagixa egin dot eskuan.

2. Oinez Juan gara basarrita.

**Sarituak: Gaztetxokoa eta Inigo Iparagirre**

Eskuman erantzunak idatzi ostian, moztu eta laga Antzuolako udal liburutegian, DATORREN EGUKAITZA BAINO LEHEN.

Erantzun zuzenen artian 5.000 pezeta eta "Antzuolako hizkera" liburuaren ale bat zozketatuko ditugu hamabostero.

**GOROSTI**  
**Taberna**

☎ 943 76 62 96  
Zurrategi plaza ANTZUOLA

**ANTZUOLA**  
Apainketak eta  
isolamenduak  
Pladurrezko dibisioak

Kalegoi 21 ANTZUOLA  
Tf.: 943 72 30 05  
Billegia: 943 78 70 40

**GAILUR**  
taberna eta  
gozotegia

Buztinzuri 13 ANTZUOLA  
Tf. 943 78 70 32

**KALEGOI 19 ☎ 943 76 64 07**

**Tomas Gezalaga**

**ANTZUOLA BERGARA**

- Apainketarako eta industriarako pinturak
- Paper margotuak
- Moketak eta tapizatuak